



Publicaziuns officialas dils 07-04-2017

Via Val Sumvitg

Serrada via Val Sumvitg naven da Val Dadens

En consequenza dad ina curdada da greppa ei la via Val Sumvitg interrutta ad Acla Mulin. Muort las lavurs da baghegiar ei la via denter Val Dadens ed Acla Mulin serrada permanentamein per tut il traffic.

Per pedunzs ei la via libra. Il passadi sper il plazzal da lavur ora ei signalisau.

La serrada cuozza prevedentamein entochen l'entschatta zercladur.

Cuntravenziuns encunter il scamond da carrar sin quei tschancun via vegnan punidas.

Ulteriur sclariment dat l'administraziun communal (081 920 25 00) ni il biro d'inschignier Deplazes (081 943 25 60).

Departament da traffic

Giusep Bearth, gerau responsabel

PREAVIS

Administraziun communal / Comunicaziun

L'administraziun communal resta serrada sur Pastgas sco suonda:

- naven da gievgia, ils 13-04-2017, allas 11.00 uras, entochen mardis, ils 18-04-2017 allas 08.00 uras

Nus engraziein per la buna collaboraziun e giavischein bialas fiastas da Pastgas.

Sumvitg, 07-04-2017

Administraziun communal

Vignettas da mopeds

La vignetta da mopeds 2017 sa vegnir retratga tier l'administraziun communal. La taxa munta **frs. 43.--**.

Sumvitg 07-04-2017

Administraziun communal

Uffeci civil Surselva

Mortori

Bearth Duri Robert, naschius ils 01-08-1931, morts ils 26-03-2017, staus sesents a Sumvitg.

Desax Elisabeth, naschida ils 08-07-1923, morta ils 30-03-2017, stada sesent a Cumpadials.

Sumvitg, 07-04-2017

Controlla da habitonts

Preavis

Radunonza generala da Sumvitg Turissem

La proxima radunonza generala ha liug venderdis, ils 5 da matg 2017 allas 20.00 uras ell'ustria Curna a Sumvitg.

Sumvitg, 07-04-2017

Sumvitg Turissem

Casa sogn Giusep, Cumpadials

Pintga fieria da Pastgas, sonda, ils 8-4-2017 allas 11.00–16.00.

Vendita d'ovs colurai, lieurs da tschugalata fatgas en casa, lavurs a maun. Secapescha che Vus vegnis era puppergnai da nossa cuschina – Hamburgers dil gril e dessert da Pastgas. Gl'entir gudogn va al project dalla scola Tujetschina per Nepal. Sin Vossa viseta selegran *Cussadents e collaboraturs Casa sogn Giusep*

Club da tennis

Sco usitau organisescha il club da tennis Trun era uonn in cuors da tennis per affons e juvenils.

Annadas 2007–2010: Entschatta, mesjamna, ils 26-4-2017 allas 13.30–15.30 (mintgamai in'ura per gruppa)

Annadas 2006 e pli vegls: Entschatta, gliendisdis, ils 24 d'avrel ni venderdis ils 28 d'avrel 2017, dallas 18.00–20.00 (mintgamai in'ura per gruppa)

Dapli informaziuns e s'annunziar tier nies cau da juniors, 079 521 26 37

Fin d'annunzia: Venderdis, ils 14-4-2017 Il cau diils juniors, Simon Decurtins